

## **ДАВЛАТИМИЗ ҚУДРАТИ ВА ҲУРЛИГИМИЗ РАМЗИ**

### **Ўзбекистон Республикаси Давлат герби қабул қилинганига 28 йил тўлди**

Давлат рамзлари эл-юртнинг ҳурлиги, миллий ғурур ва менталитети, шонли тарихи, маънавий-маданий бойлиги, урф-одат ва анъаналари, буюк мақсад ва эзгу орзу-интилишларини ўзида акс эттиради.

Мустақиллигимизнинг илк кунларидан Биринчи Президентимиз Ислом Каримов ташаббуси билан янги давлат, порлоқ келажак барпо этиш йўлида ҳалқимизнинг миллий ғуруруни кўтаришга, шиҷоатини оширишга алоҳида эътибор қаратилди. Давлатимиз рамзлари лойиҳалари ишлаб чиқилиб, кенг жамотчилик муҳокамалари асосида қабул қилинди. Шу боис ҳалқимиз “Ўзбекистон Республикасининг Давлат герби тўғрисида”ги қонун қабул қилинган сана - 1992 йил 2 июлни тарихий воқеа сифатида ҳар йили ёдга олади, нишонлайди. Чунки Давлат герби – мустақиллигимиз рамзларидан бири.

Тарихимиз ва миллий қадриятларимиздан келиб чиқсан ҳолда ишлаб чиқилган давлатимиз герби ҳалқимиз озодлигининг яна бир тимсоли сифатида тарихдан жой олган санага ҳам чорак асрдан ошди.

“Ўзбекистон Республикасининг Давлат герби тўғрисида”ги қонунда гербимизнинг қандай кўринишга эгалиги яққол ифодалаб берилган. Унга мувофиқ мамлакатимиз фуқаролари, Ўзбекистонда истиқомат қиласиган барча шахс давлатимиз гербини ҳурмат қилиши шарт.

Давлат герби тасвири мамлакатимиздаги барча давлат ташкилоти бинолари пештоқига ўрнатилган. Герб тасвири муҳрларда ва давлат идоралари бланкаларида, расмий нашрларда, қофоз ва танга пулларда, қимматли қофозлар ва фуқаролик паспортида, қонунда белгиланган бошқа ҳужжатларда жой олган.

Ҳар бир юртдошимиз гербимизда акс этган юксак маъно-мазмундан чексиз ғурур туяди. 2010 йил 25 декабрдан кучга кирган “Ўзбекистон Республикасининг Давлат рамзлари ҳақидаги айrim қонун ҳужжатларига ва Ўзбекистон Республикасининг Маъмурий жавобгарлик тўғрисидаги кодексига ўзгартиш ва қўшимчалар киритиш ҳақида”ги қонун билан давлатимиз гербидан фойдаланиш қоидалари янада мустаҳкамланди.

Мазкур ҳужжатга кўра, Ўзбекистон Республикаси Давлат гербининг элементларини нодавлат ташкилотлари ҳужжатларининг реквизитлари ёки реклама материаллари киритилишига йўл қўйилмайди. Ўзбекистон Республикаси Давлат гербининг тасвири туширилган белгилардан ишлаб чиқарилаётган ёки реализация қилинаётган товарларни (ишларни, хизматларни) ўтказиш учун тижорат мақсадларида фойдаланиш мумкин эмас. Нодавлат нотижорат ташкилотларининг рамзлари Ўзбекистон Республикасининг Давлат гербига ўхшашибўлиши мумкин эмас.

Давлатимизнинг барча рамзлари қатори гербимиз ҳам ҳаётимиздан, қалбимиздан чуқур ўрин эгаллаб, Ватанимиз мустақиллигининг чинакам тимсолларидан бирига айланди. Уни ҳар сафар кўрганимизда шундай бетакрор, ҳеч кимдан кам бўлмаган қудратли мамлакатда яшаётганимиздан фахр-ифтихор туйғуларини ҳис этамиз.

